

博物志
詩品
書品
尤射
拾遺記

精校
大字
漢魏叢書九十六種

上海大通書局發行
武進唐駝署

情
尤
林

情
於
記

書

情
尤
林

情
於
記

博物志叙

史稱張華讀書三十車作博物志四百武帝以為繁存十卷今讀其書雖多奇聞異事而簡略不成大觀宣書傳既久殘闕處多耶抑或繁非能博博不在繁耶辨龍鮓識劍氣定有一段不經人見之學問附于以傳一讀再讀令人悔武帝之芟除而思有以覩其全也錢塘唐琳玉林父識

博物志目錄

卷一

地理略自魏氏日已前夏禹治四方而制之地 山水 山水總論 五方人氏 物產

卷二

外國 異人 異俗 異產

卷三

異獸 異鳥 異蟲 異魚 異草木

卷四

物性 物理 物類 藥物 藥論 食忌 藥術 戲術

卷五

方士 服食 辯方士

卷六

人名攷 文籍攷 地理攷 典禮攷 樂攷 服飾攷 器名攷 物名攷

卷七

異聞

卷八

史補

卷九

雜說上

卷十

雜說下

博物志卷一

晉張華著

南昌楊之湘校

余視山海經及禹貢爾雅說文地志雖曰悉備各有所不載者作略說出所不見麤言遠方陳山川位象言有

徵諸國境界犬牙相入春秋之後並相侵伐其土地不可具詳其山川地澤略而言之正國十二博物之士一覽而鑑焉

地理略自魏氏日已前夏禹治四方而制之

河圖括地象曰地南北三億三萬五千五百里地部之位起形高大者有崑崙山廣萬里高萬一千里神物之所生聖人仙人之所集也出五色雲氣五色流水其泉南流入中國名曰河也其山中應于天最居中八十城布繞之中國東南隅居其一分是好城也中國之城左濱海右通流沙方而言之萬五千里東至蓬萊西至隴右右跨京北前及衡嶽堯舜土萬里時之千里亦無常隨德劣優也堯別九州舜為十二秦前有藍田之鎮後有胡死之塞左峭函右隴蜀西通流沙險阻之國也蜀漢之土與秦同域南跨瑯琊北阻褒斜西即隈礙隔以劍閣窮險極峻獨守之國也周在中樞西阻崤谷東望荊川南面少室北有太嶽三河之分雷風所起四險之國也魏前枕黃河背漳水瞻王屋望梁山有藍田之寶浮池之淵趙東臨九州西瞻恒嶽有沃瀑之流飛甍井陘之險至于潁陽深鹿之野燕却背沙漠進臨易水西至君都東至于遼長蛇帶塞險陸相乘也齊南有長城巨防陽關之險北有河潛足以為固越海而東通于九夷西界岱嶽配林之險坂固之國也魯前有淮水後岱嶽蒙羽之向洙泗之流大野廣土曲阜尼邱宋北有泗水南迄睢渦有孟諸之澤碭山之塞也楚後背方城前及衡嶽左則彭蠡右則九嶷有江漢之流實險阻之國也南越之國與楚為鄰五嶺已前至于南海負海之邦交趾之土謂之南裔吳左洞庭右彭蠡後濱長江南至豫章水戒險阻之國也東越通海處南北尾閭之間三江流入南海通東治嵩海深絕險之國也衛南跨于河北得洪水南過漢上左通魯澤右指黎山

贊曰地理廣大四海八方遐遠別域略以難詳侯王設險守固保疆遠遮川塞近備城隍司察奸非禁禦不良勿恃危阨恣其淫荒無德則敗有德則昌安屋猶懼乃可不忘進用忠直社稷永康教民以孝舜化以彰

地

天地初不足故女媧氏鍊五色石以補其闕斷鼇足以立四極其後共工氏與顓頊爭帝而怒觸不周之山折天柱絕地維故天後傾西北日月星辰就焉地不滿東南故百川水注焉 崑崙山北地轄下三千六百里有八元幽都方二十萬里地下有四柱四柱廣十萬里地有三千六百軸大牙相奉 泰山一曰天孫言為天帝孫也主召人魂魄東方萬物始成知人生命之長短 考靈耀曰地有四遊冬至地上北而西三萬里夏至地下南而東三萬里春秋二分春矣地常動不止譬如人在舟而坐舟行而人不覺七戎六蠻九夷八狄形類不同而總謂之四海言皆近海海之言晦昏無所觀也 地以名山為輔佐石為之骨川為之脉草木為之毛土為之肉三尺以上為糞三尺以下為地

山

五嶽華岱恒衡嵩 按北太行山而北去不知山所限極處亦如東海不知所窮盡也 石者金之根甲石流精以生水水生木木含火

水

漢北廣遠中國人歎有至北海者漢使驃騎將軍霍去病北伐單于至瀚海而還有北海明矣 周日用曰余聞北海年德甚通稱一池號北海蘇武牧羊常在子是耳此地見有蘇武湖非北漠之海在漢使張騫渡西海至大秦西海之濱有小崑崙高萬仞方八百里東海

廣漫未聞有渡者南海短狹未及西南夷以窮斷今渡南海至交趾者不絕也 史記封禪書云威宣燕昭遣人乘舟入海有蓬萊方丈瀛洲三神山神人所集欲採仙藥蓋言先有至之者其鳥獸皆白金銀為宮闕悉在渤海中去人不遠四瀆河出崑崙崑崙墟江出岷山濟出王屋淮出桐柏 八流亦出名山渭出鳥鼠漢出嶓冢洛出熊耳涇出大室汝出燕泉泗出洛尾沔出月台沃出太山水有五色有濁有清汝南有黃水華山有黑水沁水淵或生明珠而

岸不枯山澤通氣以興雷雲氣觸石膚寸而合不崇朝以致雨

江河水濟名曰泣血道
路涉驛於河以處也

山水總論

五嶽視三公四瀆視諸侯諸侯賞封內名山者通靈助位相亞也故地動臣叛名山崩王道訖川竭神去國隨已亡海投九仞之魚流水涸國之大誠也澤浮舟川水溢臣盛君衰百川沸騰山冢卒崩高岸為谷深谷為陵小人握命君子陵遲白黑不別大亂之徵也 援神契曰五嶽之神聖四瀆之精仁河者水之伯上應天漢太山天帝孫也主召人魂東方萬物始成故知人生命之長短

五方人民

東方太陽日月所出山谷清其人佼好 西方少陰日月所入其土竊冥其人高鼻深目多毛 南方太陽土下水淺其人大口多傲 北方太陰土平廣深其人廣面縮頸 中央四析風雨交山谷峻其人端正 東南之人食水產西北之人食陸畜食水產者龜蛤螺蚌以為珍味不覺其腥臊也食陸畜者狸兔鼠雀以為珍味不覺其膾也 有山者採有水者漁山氣多男澤氣多女平衍氣仁高陵氣犯叢林氣戾故擇其所居居在高中之平下中之高則產好人 居無近絕溪崖家孤蟲之所近此則死氣陰匿之處也 山居之民多癭腫疾由于飲泉之不流者今荆南諸山郡東多此疾瘡由踐土之無園者今江外諸山縣偏多此病也 盧氏曰不然也在山南人有之北人及吳楚無此病蓋南出黑水土土然也如

是不流泉井界
尤無此病也

物產

地性含水土山泉者引地氣也山有沙者生金有穀者生玉名山生神芝不死之草上芝為車馬中芝為人形下芝為六畜土山多雲鐵山多石五土所宜黃白宜種木黑墳宜麥黍蒼赤宜穀芋十泉宜稻得其宜則利百倍 和氣相感則生朱草山出象車澤出神馬陵出黑丹旱出土怪江南大貝海出明珠仁主壽昌民延壽命天下太平名

山大川孔穴相內和氣所出則生石脂玉膏食之不死神龍靈龜行于穴中矣 神宮在高石洛中有神人多麒麟琪芝神草有英泉飲之服三百歲乃覺不死去瑯琊四萬五千里 三珠樹生赤水之上 員丘山上有不死樹食之乃壽有赤泉飲之不老多大蛇為人害不得居也

博物志卷二

外國

夷海內西北有軒轅國在窮山之際其不壽者八百歲渚沃之野鸞鳥舞民食鳳卵飲甘露 白民國有乘黃狀如狐背上有角乘之壽三千歲 君子國人衣冠帶劍使兩虎民衣野絲好禮讓不爭土千里多薰華之草民多疾風氣故人不蕃息好讓故為君子國 三苗國昔唐堯以天下讓于虞三苗之民非之帝殺有苗之民叛浮入南海為三苗國 驩兜國其民盡似仙人帝堯司徒驩兜民常捕海島中人面鳥口去南國萬六千里盡似仙人也 大人國其人孕三十六年生白頭其兒則長大能乘雲而不能走盡龍類去會稽四萬六千里厥光國民光出口中形盡似猿猴黑色 結胸國有滅蒙鳥奇肱民善為舡扛以舡百禽能為飛車從風遠行湯時西風至吹其車至豫州湯破其車不以視民十年東風至乃復作車遣返而其國去玉門關四萬里 羽民國民有翼飛不遠多鸞鳥民食其卵去九疑四萬三千里 穿胸國昔禹平天下會諸侯會稽之野防風氏後到殺之夏德之盛二龍降之禹使范成光御之行域外既周而還至南海經防風防風氏之二臣以塗山之戮見禹使怒而射之迅風雷雨二龍昇去二臣恐以及自貫其心而死禹哀之乃拔其牙療以不死之草是為穿胸民 交趾民在穿胸東 孟舒國民人首鳥身其先主為雲氏訓百官夏后之世始食卵孟舒去之鳳凰隨焉

異人

河圖玉版云龍伯國人長三十丈生萬八千歲而死大秦國人長十丈中秦國人長一丈臨洮人長三丈五尺 禹

致宰臣于會稽防風後至戮而殺之其骨專車長狄喬如身橫九畝長五丈四尺或長十丈 秦始皇二十六年
有大人十二見于臨洮長五丈足迹六尺東海之外大荒之中有大人國僊僊氏長三丈時含神霧日東北極
人長九丈 東方有螭螭沃焦防風氏長三丈短人處九寸遠夷之名雕題黑齒穿胸儋耳大笠歧首子利國人
一手二足拳反曲 無脊民居穴食土無男女死埋之其心不朽百年還化為人細民其肝不朽百年而化為人
皆穴居處二國同類也 蒙雙氏昔高陽氏有同產而為夫婦帝放之此野相抱而死神鳥以不死草覆之七年男
女皆活同顛二頭四手是蒙雙民 有一國亦在海中純女無男又說得一布衣從海浮出其身如中國人衣兩袖
長二丈又得一破船隨波出在岸邊有一人項中復有面生得與語不通不食而死其地皆沃沮東大海中 南
海外有鮫人水居如魚不廢織績其眼能泣珠 嘔絲之野有女子方跪據樹而嘔絲其海外也 江陵有猛人能
化為虎俗又曰虎化為人好著紫葛人足無踵 日南有野女羣行見丈夫狀晶目裸袒無衣襖

異俗

越之東有駭沐之國其長子生則解而食之謂之宜弟父死則負其母而棄之言鬼妻不可與同居 周日用曰既其
其子為鬼子 亦合棄之矣 楚之南有爰人之國其親戚死朽之肉而棄之然後埋其骨乃為孝也 秦之西有義渠國其親戚死
聚柴積而焚之熏之即煙上謂之登遐然後為孝此上以為政下以為俗中國未足為非也 此事見墨子 周日用曰
佛國之法且如是乎 中國之徒亦如此也 荊州極西南界至蜀諸民曰獠子婦人妊娠七月而產臨水生兒便置水中浮則取養之沈便
棄之然二百多浮既長皆拔去上齒牙各一以為身飾 母亡儉遣王頎追高句麗王宮盡沃沮東界問其耆老言
國人常乘船捕魚遭風吹數十日東得一島上有人言語不相曉其俗常以七夕取童女沈海 交州夷名曰俚子
俚子弓長數尺箭長尺餘以焦銅為鏑塗毒藥于鏑鋒中人即死不時斂藏即膨脹沸爛須臾焦煎都盡唯骨耳
其俗誓不以此藥治語人治之飲婦人月水及糞汁時有差者唯射猪犬者無他以其食糞故也 焦銅者故燒器其

長老惟別燭銅聲以物杵之徐聽其聲得燭畫者偏鑿取以為箭鏑景初中蒼梧史到京云廣州西南按交州數郡桂林晉興臨浦間人有病將死便有飛蟲大如小麥或云有甲在舍上人氣絕來食亡者雖復撲殺有斗斛而來者如風雨前後相尋綿綿不可斷截肌肉都盡唯餘骨在更去盡貧家無相纏者或殯殮不時皆受此弊有佛力者則以衣服布帛五六重裹亡者此蟲惡梓木氣即以板郭防左右並以作器此蟲使不敢近也入交界更無轉近郡亦有但微少耳

異產

漢武帝時弱水西國有人乘毛車以渡弱水來獻香者帝謂是常香非中國之所乏不禮其使留久之帝幸上林苑西使千乘輿聞並奏其香帝取之看大如燕卵三枚與棗相似帝不悅以付外庫後長安中大疫宮中皆疫病帝不舉樂西使乞見請燒所貢香一枚以辟疫氣帝不得已聽之宮中病者登日並差長安中百里咸聞香氣芳積九月餘日香猶不散帝乃厚禮發遣餞送一說漢制獻香不滿斤西使臨去乃發香氣如大豆者拭著宮門香氣聞長安數十里經數日乃歇漢武帝時西海國有獻膠五兩者帝以付外庫餘膠半兩西使佩以自隨後從武帝射于甘泉宮帝弓弦斷從者欲更張弦西使乃進乞以所送餘香膠續之座上左右莫不怪西使乃以口濡膠為以往斷弦兩頭相連注弦遂相著帝乃使力士各引其一頭終不相離西使曰可以射終日不斷帝大怪左右稱奇因名曰續弦膠焉周書曰西域獻火浣布昆吾氏獻切玉刀火浣布汙則燒之則潔刀切玉如鴈布漢世有獻者刀則未聞魏文帝黃初三年武都西都尉王褒獻石膽二十斤四年獻三斤臨邛火井一所從廣五尺深二三丈井在縣南百里昔時人以竹木投以取火諸葛丞相往視之後火轉盛熱益盛井上者鹽得鹽入以家火即滅訖今不復燃也酒泉延壽縣南山名火泉火出如炬徐台西域使王暢說石流黃出足彌山去高昌八百里有石流黃數十丈從廣五六十畝有取流黃晝視孔中上狀如煙而高數尺夜視譬如燈光光明高尺餘暢所親見之也當時氣不和皆

異獸

漢武帝時大宛之北胡人有獻一物大如狗然聲能驚人難犬聞之皆走名曰猛獸帝見之怪其細小及出苑中欲使虎狼食之虎見此獸即低頭著地帝為反觀見虎如此謂欲下頭作勢起搏殺之而此獸見虎甚喜舐唇搖尾徑往虎頭上立因搗虎面虎乃閉目低頭匍匐不敢動搗鼻下去下去之後虎尾下頭去此獸顧之虎輒閉目後魏武帝伐昌頓經白狼山逢獅子使人格之殺傷甚眾王乃自率常從軍數百擊之獅子哮吼奮起左右咸驚王忽見一物從林中出如狸起上王車輒獅子將至此獸便跳起在獅子頭上即伏不敢起于是遂殺之得獅子一還來至洛陽三千里雞犬皆伏無鳴吠九真有神牛乃生谿上黑出時其鬪即海沸黃或出關岸上家牛皆怖人或遮則霹靂號曰神牛昔日南貢四象各有雌雄其一雄死于九真乃至南海百有餘日其雌塗土著身不飲食空草長吏問其所以聞之輒流涕越雋國有牛稍割取肉牛不死經日肉生如故大宛國有汗血馬天馬種漢魏西域時有獻者文馬赤鬣身白似若黃金名吉黃之乘復剗之露大也能飛食虎豹蜀山南高山上有物如獼猴長七尺能人行健走名曰猴攬一名化或曰猢猻同行道婦女有好者輒盜之以去人不得知行者或每遇其旁皆以長繩相引然故不免此得男女氣自死故取男也取去為室家其年少者終身不得還十年之後形皆類之意亦迷惑不復思歸有一者輒俱送還其家產子皆如人有不食養者其母輒死故無不敢養也及長與人無異皆以楊為姓故今蜀中西界多謂楊率皆猢猻化之子孫時時相有攬爪者也小山有獸其形好鼓一足如鼃澤有委蛇狀如蝮長如轅見之者霸猩猩若黃狗人面能言

崇邱山有鳥一足一翼一目相得而飛名曰童見則吉良乘之壽千歲 比翼鳥一青一赤在參嶠山 有鳥如鳥文首白喙赤足曰精衛精衛常飲之木石以填東海 越地深山有鳥如鳩青色名曰治鳥穿大樹作巢如升器其戶口徑數寸周飾以土堊赤白相次狀如射侯伐木見此樹即避之去或夜冥人不見鳥鳥亦知人不見已也鳴曰咄咄去明日便宜急上樹去咄咄下去明便宜急下若使去但言笑而不已者可止伐也若有穢惡及犯其止者則虎通多來守人不知者即害人此鳥白日見其形鳥也夜聽其鳴人也時觀樂使人悲喜形長三尺濶中取石蟹就人火間炙之不可犯也越人謂此鳥為越祝之祖

異蟲

南方有落頭蟲其頭能飛其種人常有所祭祀號曰蟲落故因取之焉以其飛因服便去以耳為翼將曉還復著體吳時往往得此人也 江南山谿中水射工蟲甲類也長二寸口中有弩形氣射人影隨所著處發瘡不治則殺人今鸚鵡蟲溺人影亦隨所著處生瘡 盧氏曰以雞腸草搗塗經日即愈周日用曰萬物皆有所相感遇聞以霹靂木擊鳥影其鳥應時落地雖未嘗試以是類知必有之 蝮蛇秋月毒盛無所不螫螫草木以泄其氣草木即死人樵採設為草木所傷刺者亦殺人毒治于蝮蟹謂之蛇迹也 華山有蛇名肥遺六足四翼見則天下大旱 常山之蛇名率然有兩頭觸其一頭頭至觸其中則兩頭俱至孫武以喻善用兵者

異魚

南海有鰐魚狀似鼉斬其頭而乾之去齒而更生如此者三乃止 東海有半體魚其形狀如牛剝其皮懸之潮水至則毛起潮去則毛伏 東海蛟錯魚生子子驚還入母腸尋復出 吳王江行食鱸有餘棄于中流化為魚今魚中有名吳王鱸餘者長數寸大者如箸猶有鱸形 廣陵陳登食鱸作病華佗下之膾頭皆成蟲尾猶是鱸 東海有物狀如凝血從廣數尺方員名曰鮓魚無頭目處所內無藏眾蝦附之隨其東西人煮食之

異草木

太原晉陽以比生屏風草 海上有草焉名篩篩音其實食之如大麥七月稔熟名曰自然合或曰禹餘糧 堯時有屈佚草生于庭倭人入朝則屈而指之一名指倭草 右詹山帝女化為詹草其葉鬱茂其華黃實如豆服者媚于人 止些山多竹長千仞鳳食其實去九疑萬八千里 江南諸山郡中大樹斷倒者經春夏生菌謂之椹食之有味而忽毒殺人云此物往往自有毒者或云蛇所著之楓樹生者咬之令人笑不得止治之飲土漿即愈 博物志卷四

物性

九竅者胎化八竅者卵生龜鼈皆此類也卵生影伏白鵠雄雌相視則孕或曰雄鳴上風則雌孕 兔舐毫望月而孕口中吐子舊有此說余目所見也大腰無雄龜鼈類也無雄與蛇通氣則孕細腰無雌蜂類也 取桑蠶則草蠶子呪而成子詩云螟蛉之子螺贏負之是也 蠶三化先孕而後交不交者亦產子子後為鑒皆無眉目易傷收採亦薄 鳥雌雄不可別翼右掩左雄左掩右雌二足而翼謂之禽四足而毛謂之獸 鵲巢門戶背太歲得非才智也 鵲雉長尾雨雪惜其尾栖高樹秋不敢下食往往餓死魏景初中天下所說 鵲水鳥也伏卵時卵冷則不沸取礬石周繞卵以時助煖氣故方術家以鵲口中礬石 山雞有美毛自愛其色終日映水目炫則溺死 龜三千歲遊于蓬萊巢于卷耳之上 屠龜解其肌肉唯腸連其頭而經旱不死猶能齧物鳥往食之則為所得漁者或以張鳥神蛇復續 蟾蜍以背行快于足 周官云貉不渡汶水鵲不渡濟水魯國無鵲鵲來巢記異也 橘渡江北化為枳今之江東甚有枳橘 百足一名馬蛇中斷成兩段各行而去

物理

凡月暈隨反晝隨所晝而闕淮南子云未詳其法 麒麟鬬而日蝕鯨魚死則彗星出嬰兒號啼乳出 莊子曰地三年

種蜀黍其後七年多蛇積艾草三年後燒津液下流成鉛錫已試有驗煎麻油水氣盡無煙不復沸則還冷可內手攪之得水則焰起散卒不滅此亦試之有驗庭州瀟水以金銀鐵器盛之皆漏唯鉢葉不漏龍肉以醃漬之則文章生積油滿萬石則自然生火武帝泰始中武庫火積油所致

物類

燒鉛錫成胡粉猶類也燒丹朱成水銀則不類物同類異用者

魏文帝所記諸物相似亂者

武夫怪石似美玉蛇床亂薜蘿薜蘿亂人參杜衡亂細辛雄黃似石流黃鰕魚相亂以有大小相異敵休亂門冬百部似門冬房葵似狼毒鈎吻草與行華相似拔楔與葶藶相似一名狗脊

藥物

烏頭天雄附子一物春秋冬夏採各異也遠志苗曰小草根曰遠志芎藭苗曰江蘿根曰芎藭菊有二種苗花如一唯味小異苦者不中食野葛食之殺人家葛種之三年不收後旅生亦不可食神仙傳云松柏脂入地千年化為茯苓茯苓化為琥珀琥珀一名江珠今泰山出茯苓而無琥珀益州永昌出琥珀而無茯苓或云燒蜂窠所作未詳此二說地黃藍首斷心分根萊種皆生女蘿寄生兔絲兔絲寄生木上生根不著地堇花朝生夕死

藥論

神農經曰上藥養命為五石之鍊形六芝之延年也中藥養性合歡蠲忿當草忘憂下藥治病謂大黃除實當歸止痛夫命之所以延性之所以利痛之所以止當其藥應以痛也違其藥失其應即怨天尤人設鬼神矣神農經曰藥物有大毒不可入口鼻耳目者即殺人一曰鈎吻盧氏曰陰也黃精不相連根苗獨生者是也二曰鵝狀如蟬如鴛亦生海中五日鵝羽如雀黑頭赤喙亦曰鵝蟬生海中雄曰鵝雌曰鵝蟬也神農經曰藥種有五物一曰狼毒占斯解之二曰巴豆霍汁解之三曰

口口湯解之四曰天雄烏頭大豆解之五曰班茅戎鹽解之毒采害小兒乳汁解先食飲二升

食忌

人咬豆三年則身重行止難 咬榆則眠不欲覺 咬麥稼令人力健行 飲真茶令人少眠 人常食小豆令人肥肌粗燥 食鷄麥令人骨節斷解 人食鷄肉不可食水為蛟龍所吞 人食久葵為狗所齧瘡不差或致死 馬食穀則足重不能行 雁食粟則翼重不能飛

藥術

胡粉白石灰等以水和之塗鬚鬚不白塗訖著油單裏令溫煖候欲燥未燥間洗之湯則不得著晚則多折用暖湯洗訖澤塗之欲染當熟洗鬚鬚有膩不著藥臨染時亦當拭鬚燥溫之 陳葵子微火炒令爆訖散著熟地遍踞之朝種暮生遠不過經宿耳 陳葵子秋種覆蓋令經冬不死春有子也 周日用曰愚聞熟地植生菜蘭橘石流黃丹為五色皆以沃其根以紫草汁則變之紫紅花汁則變紅並未試于理可為此出爾雅 燒馬蹄羊角成灰春夏散著濕地生羅勒 蟹漆相合成為神仙藥服食方云

戲術

削木令圓舉以向日以父于後承其影則得火 取火法如用珠取火多有說者此未試 神農本草云雞卵可作琥珀其法取伏卵段黃白渾雜者煮及尚軟隨意刻作物以苦酒漬數宿既堅內著粉中佳者乃亂真矣此世所恒用作無不成者 燒白石作白灰既訖積著地經日俱冷遇雨及水澆即便燃煙焰起 五月五日埋蜻蜒頭于西向戶下埋至三日不食則化成青真珠又云埋于正中門 蜥蜴或名蜥蜴以器養之以米砂體盡赤所食漏七斤治擣萬杵點女人支體終年不滅唯房室事則滅故號守宮傳東方朔漢武帝試之有驗 取鼈挫令如棋子大擣赤莧汁和合厚以茅苞五六日中作投地中經旬鬻鬻盡成鼈也

方士

魏武帝好養生法亦解方藥招引四方之術士如左元放華佗之徒無不畢至

周日用曰曹雖好奇而心道異如何招引方術之人乎如囚左元放而棄

見殺者若非變化已至滅身故有道者不合親之矣既要試術即可乎

魏王所集方士名

上黨王真 隴西封君達 甘陵甘始 魯女生譙國華佗字元 東郭延年 冷壽光 唐書河南卜式張

紹 汝南費張 薊子訓 鮮奴辜 魏國軍吏河南趙聖卿 陽城却儉字孟節 廬江左慈字元放

右十六人魏文帝東阿王仲長統所說皆能斷穀不食分形隱沒出入不由門戶左慈能變形幻人視聽厭刺

鬼魅皆此類也周禮所謂怪民王制稱挾左道者也

魏時方士甘陵甘始 廬江有左慈陽城有却儉始能行氣導引慈曉房中之術善辟惡不食悉號二百歲人凡如

此之徒武帝皆集之于魏不使遊散甘始老而少容曹子建密問其所行始言本師姓韓字世雄嘗與師于南海

作金投數萬斤于海又取鯉魚一隻鯉遊行沉浮有若處淵其無藥者已熟而食言此藥去此踰遠萬里已不可行

不能得也 皇甫隆遇青牛道士姓封名君達其餘養生法即可放用大略云體欲常少勞無過虛食去肥濃節

酸鹹減思慮喜怒除馳逐慎房室施瀉秋冬閉藏別客偏武帝行之有效 文帝典論曰陳思王曹植辯道論云世

有吾王悉招至之甘陵有甘始廬江有左慈陽城有却儉始能行氣儉善辟惡悉號三百歲人自王與太子及余之

兄弟咸以為調笑不佞信之然嘗試却儉辟穀百日猶與寢處行步起居自若夫人不食七日則死而儉乃能如是

左慈修房中之術可以終命然非有至情莫能行也甘始老而少容自諸術士咸共歸之王使却孟節主領諸人

近魏明帝時河東有焦生者裸而不衣處火不焦入水不凍杜恕為太守親所呼見皆有實事

周日用曰焦孝然居河東一卷大雪

漢書卷之九

楚倒人已為死而視之蒸氣于雪各無變色時武折薪惠人而已故魏書云自義皇以來一人而已穎川陳元方韓元長時之通才者所以並信有仙者其父時

所傳聞河南蜜縣有成公其人出行不知所至復來還語其家云我得仙因與家人辭訣而去其步漸高良久乃沒

而不見至今蜜縣傳其仙云二君以信有仙蓋由此也惴惴二子乎桓譚新論說方士有董仲君罪繫獄待死

臭自陷出既而復生黃帝問天老曰天地所生豈有食之令人不死者乎天老曰太陽之草名曰黃精日黃精

可以長生太陰之草名曰鉤吻不可食入口立死人信鉤吻之殺人不信黃精之益壽不亦惑乎周曰白草既枯人仍無益壽者也

若殺人無驗則益壽不可信矣

服食

左元放荒年法擇大豆粗細調勻必生熟按之令有光煙氣徹豆心內先不食一日以冷水頓服訖其食肉菜果不

得復經口渴即飲水慎不可煖飲初小困十數日後體力壯健不復思食鮫法服三升為劑亦當隨食先食多

火增損之盛豐欲還者煮葵子及脂蘇服肉羹漸漸飲之須豆下乃可食豆未盡而以實物腸塞則殺人失此未試

或以為然周曰用一說膳塗餅炙餅今熱即塗之以孔子家語曰食水者乃耐寒而苦浮食土者無心不怠食木

者多而不治食石者肥澤而不老食草者善走而愚食桑者有緒而蛾食肉者勇而悍食氣者神明而壽食穀者智

慧而天不食者不死而神仙傳曰維食者百病妖邪之所鍾焉西域有蒲萄酒積年不敗彼俗云可十年飲之醉

彌月乃解所食逾火心開逾益所食逾多心逾塞年逾損焉

辯方士

漢淮南主謀反被誅亦云得道輕舉周曰用曰漢書云淮南自刑應不然而子得道輕舉非虛事也至今維陽境內馬

皆好書法不善言職惟南內書言神仙黃白之術去反事遠矣夫古今書傳多點仙道者應帝王公侯廢萬幾而慕其道故隱而不書增光朝奇按而云一百歲後西遊漢以不知所之唐書云蜀有女道士謝自然白日上昇此外歷

史籍未嘗言也鉤吻夫人被殺于雲陽而云一解柩空周曰用曰史云夫人被大風拔文典論云議郎李單學却儉辟

穀食伏苓飲水中不寒洩痢殆至殞命軍祭酒宏農董奉學甘始鵲視狼頭呼吸吐納為之過左氣閉不通良久乃蘇寺人嚴峻就左慈學補導之術聞堅真無事于斯而遂聲若此 又云王仲統云甘始左元放東郭延年行客成御婦人法並為丞相所錄間行其術亦得其驗降就道士劉景受雲母九子元方年三百歲莫知所在武帝恒御此藥亦云有驗劉德治淮南王獄得枕中鴻寶秘書及子向咸而奇之信黃白之術可成謂神仙之道可致卒亦無驗乃以罹罪也周日用曰神仙之道學之匪一朝一夕而可得黃白者劉根不覺饑渴或謂能忍盈虛王仲都當盛夏之月十爐火炙之不熱當嚴冬之時裸之而不寒恒君山以為性耐寒暑君山以無仙道好奇者為之前者已述焉司馬遷云無堯以天下讓許由事揚雄亦云誇大者為之揚雄又云無仙道恒譚亦同

博物志卷六

人名攷

昔彼高陽是生伯鯨布土取帝之息壤以填洪水 殷三仁微子箕子比干 文王四友南宮括散宜生閔天太顓仲尼四友顏淵子貢子路子張 曹參字伯敬 蔡伯喈母袁公妹曜卿姑也 古之善射者甘蠅蠅之弟子曰飛衛 平原管輅善卜筮解鳥語 蔡邕有書萬卷漢末年載數車與王粲蔡亡後相國掾魏諷謀反蔡子與焉既被誅邕所與蔡書悉入蔡族子基字長緒即正宗父正宗即輔嗣兄也初蔡與族兄凱避地荊州依劉表表有女長愛蔡才欲以妻之嫌其形陋周率乃謂曰君才過人而體貌躁非女曹才凱有風貌乃妻凱生葉即女所生 太邱長陳寔寔子鴻臚卿紀紀子司空羣羣子泰四世于漢魏二朝有重名而其德漸小減故時人為其語曰公慙卿卿慙長

文籍攷

聖人制作曰經賢者著述曰傳鄭元注毛詩曰豈不解此意或云毛公嘗為北海郡守元是此郡人故以為敬何